

Nis Ngim Peba Igó Ngiliarróna, Krronikol 36:14-23

36

Zerrusalem Wirri Basirr Kulainóp

¹⁴ Blaman Zuda balngomól [prrist] akó blaman pamkolpam, ibü ta amkoman banguna blakónórr, da i akó dadan kolae we tómbapónónóp mogob pamkolpama ne ngazirr kla tómbapón koralórr, obae god elklaza tómbapónde akó [ótókde]. I [LODón] Müót inzan kolae tulumili [tómanan] ngitanónóp, LOD tüób ne müót gyabi yónürr. ¹⁵ LOD tüób, ibü abalbobatalab God, ibü metat ikik bókran yarilürr, tóba [prropeta] ibüka nóma bóktan kwarilürr, zitülkus oya gyaur asi yarilürr tóba pamkolpamabkü akó tóba Müótankü. ¹⁶ A i Godón menyam pam ngüóng bóngyal kwarilürr, ibü bóktan alzizi aman koralórr, akó prropet [tiz bangón] koralórr, kókókó LOD ngürsilüm we bainürr. Oya güb ain myamem nabe yarilürr.

¹⁷ Da God Babilonia isab king we zirrsapónórr Zuda pamkolpamdó. Ibü küsil pam we ekrrónóp gazirr turriki, LODón [Gyabi Müótüdü]. Kingan gyaur babul yarilürr, wa ia küsil pam yarilürr, ia küsil kol, ia epep myang, ta ia arüng-koke. God blaman pamkolpam wata kingan tangdó irrbünürr. ¹⁸ Ene Godón Gyabi Müótüdü ne elklaza kwarilürr, ia wa wirri darrem kla ó

ia kari darrem klama, akó Gyabi Müötüdü ne mórrel kwarilürr, wa blaman we imarrurr ama Babilon.* I ta akó kingan akó oya ngi pamab mórrel blaman yazebóp. ¹⁹ Godón Gyabi Müót uri amzikóp akó Zerrusalem wirri basirr ne kotarra amarükürrün yarilürr, ene kotarrpükü ta ilgütóp. Wirri pamab morroal wirri müót blaman sentenóp akó wirri darrem elklaza kolae nyónónóp.

²⁰ Gazirr turrik nidi nurutóp, ibü Babilon we barrmünürr. Babilonia kinga ibü [leba zaget] tómbapónóm we irrbünürr tóbankü akó olmalabkü, kókó Saerrus, Perrisia† king, bwób nóma ipadórr. ²¹ Ene igósüm, LODón bóktana küppükü bainürr, Zerremaea ne bóktan simaikürr wagó, “Tüpa piküp nyabele, 70 pailüm ngón agóle tóba ngón agón morroal apadóm, wa koke ne ngón agón ipadórr abün pailüm.”‡

²² Zerremaean taedógab ne bóktana tubrranórr, LOD oya ne poko ekyanórr, LOD ene bóktan küppükü yónürr. Ngaen-gógópan pail ne kla yarilürr, king Saerrus Perrisia nóma alngomól yarilürr, LOD ini gyagüpitótók ekyanórr

* **36:18** Babilon Babilonia ngaensingül wirri basirr yarilürr.

† **36:20** Perrisia ngaep ngia, errkya küsil ngi módóga: Irran.

‡ **36:21** Godón darrü gida bóktan poko inzana Isrrael pamkolpamdó wagó, blaman 7 ngim paildü, tüpa wata piküp ki nyabelón darrpan pailüm. Ini pailan ngi módóga, [Sabad] pail. Ini bóktananzan koke amorrán koralórr, tüpan mórrela blakónórr. Zuda pamkolpan Babilon nóma barrmünürr, tüpa ugón morroal kokrrap Sabad ipadórr ngón agónóm ene 70 pailüm. **36:21** Zerremaea 25:11; 29:10

oya moboküpdü, zürük bóktan angrinüm akó wialómóm tóba dudu kantrriankü. ²³ Wagó, “Perrsia kantrrian king Saerrus igó bóktanda wa, ‘LOD, kwitüm God, ini tüpdü blaman kingan bwób kürü kuri küline. Wa kürü kuri küngrine oyankü müót aelóm Zerrusalemóm, Zuda kantrridü. Ma ne oya pam nótó nóma namulo, LOD marü God asi ki yarilün mankü, da ma podó kasilke, ene müót akó aelóm.’ ”

Godón Buk
Portions of the Holy Bible in the Gizrra language of
Western Province, Papua New Guinea
Buk Baibel long tokples Gizrra long Niugini

copyright © 2019 Wycliffe Bible Translators, Inc.

Language: Gizrra

Translation by: Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-22

PDF generated using Haiola and XeLaTeX on 4 Mar 2023 from source files dated 22 Feb 2023

d83b2e14-c797-5499-b582-de63912ac614